

"মিষ্টি বাচ্চারা বাবার উত্তরাধিকারী হতে হলে নিজেকে সমর্পণ করো, অর্থাৎ সব কিছুর থেকে নষ্টমোহ হও। সাকার বাবাকে সম্পূর্ণ অনুসরণ করো"

প্রশ্ন :- পাপ থেকে রক্ষা পাওয়ার জন্য তথা অনেক আত্মাদের আশীর্বাদ প্রাপ্ত করার সাধন কি ?

উত্তর :- পাপ থেকে রক্ষা পাওয়ার জন্য তন - মন এবং ধন সবকিছু বাবার কাছে অর্পণ করে দাও, এরপর ট্রাস্টি হয়ে সবকিছুর দেখভাল করো। প্রতি পদে শ্রীমতে চলতে থাকো। শ্রীমত বলে -
- তোমরা বাচ্চারা নিজেদের অর্থ পাপ কাজে লাগাতে পারো না। পাপ আত্মাদের দান দেওয়া -- এও পাপ করানোর নিমিত্ত হওয়া তাই যদি অর্থ থাকে তাহলে রুহানী হাসপিটাল খোলো -- এতে অনেকের আশীর্বাদ প্রাপ্ত করতে পারবে।

গীত :- আমাদের তীর্থ সব থেকে আলাদা

ওম শান্তি। মিষ্টি বা হারানিধি বাচ্চারা নিজেদের মহিমা শুনেছে। বাবা বুদ্ধিয়েছেন -- ভারতেই পাপাত্মা, ভারতেই পুণ্যাত্মা বলা হয়। ভারতবাসীই পতিত - পাবনকে ডাকে। সত্যযুগে তো পতিত থাকে না। তাকে বলা হয় স্বর্গ, শিবালয়, পুণ্য আত্মাদের ভূমি। কলিযুগ হলো পাপ আত্মাদের ভূমি। ভারতে দান - পুণ্যও অনেক হয়। এই সময় তোমরা বাচ্চারাও বাবাকে তন - মন এবং ধন সবকিছুই দিয়ে দাও। তোমাদের সামনে উদাহরণও আছে। এই ব্রহ্মা বাবা নিমিত্ত হয়েছিলেন, কারণ তিনি বুদ্ধিতে পেরেছিলেন যে, আমি যেমন কর্ম করবো, আমাকে দেখে অন্যেরাও তেমন করতে থাকবে। তাই বাবা বলেন, এনার দ্বারা আমি এমন কর্ম করাই যে স্বর্গে ইনি এক নম্বর হয়ে যান। ইনি তন - মন - ধন সব কিছু উৎসর্গ করে তৎক্ষণাৎ নষ্টমোহ হয়ে গিয়েছিলেন। নিজের সন্তানদের উত্তরাধিকারী না করে এই মায়েদের উত্তরাধিকারী করেছিলেন। সবকিছু মায়েদের দায়িত্বে দিয়ে দিয়েছিলেন। তাদের ট্রাস্টি করে দিয়েছিলেন। তিনি বলেছিলেন -- মায়েরা এই সবকিছুই এখন তোমাদের চরণে বা নিমিত্তে। তোমরা উত্তরাধিকারী হয়ে যাও। ব্যস, তিনি আর কোনো কিছু দিকে তাকাননি। আমরা তো বাবার হয়ে যাই। ভক্তিমার্গে জন্ম জন্ম ধরে মানুষ গেয়ে এসেছে -- আমি বলিহারি যাবো, আমার তো এক বাবা, দ্বিতীয় আর কেউ নেই। তাই আমি এই মায়েদের নিজের উত্তরাধিকারী বানাই। এই মায়েদের দ্বারাই এই সৃষ্টির কল্যাণ হয়। প্রথমে মাতাদেরকে নিজের গুরু বানিয়ে দিয়েছিলেন। ব্যস, আমার তো এক বাবা, দ্বিতীয় আর কেউ নয়। না হলে তো বাচ্চা ইত্যাদির প্রতি মোহ এসে যায় তাই একদম এদের সকলের থেকে মোহ মুক্ত হয়ে বাবার সঙ্গে মন লেগে গেছে। বেহদের অবিনাশী আশীর্বাদী বর্ষা নিতে হলে হৃদের সবকিছুই তো দিতে হবে। কিন্তু বাবা হলেন দাতা, তিনি কখনোই কিছু নেন না। শিববাবা কেবল আমাদের দেনই। তিনি নির্দেশ দেন -- এমন - এমন করো। তাই এই মাতা-রাই গুরু হয়ে যায়। স্বমেব মাতাশ্চ পিতা স্বমেব.... প্রথমে আসেন মাতা। সত্যযুগেও প্রথমে লক্ষ্মী তারপরে নারায়ণ। প্রথমে রাধা, তারপরে কৃষ্ণ। বাবা যেমন মায়েদের সামনে রাখেন তেমনই পুরুষদেরও মায়েদের সামনে রাখতে হবে। তাদের রক্ষণাবেক্ষণ করতে হবে। বেচারী অবলা।

তোমরা এই সময় সকলেই জ্ঞান নদী। ব্রহ্মপুত্র নদীর মিলন সাগরে হয়। কলকাতায় ব্রহ্মপুত্র নদী আছে। শিবজয়ন্তীতে ওখানে বড় মেলা বসে। ব্রহ্মপুত্র নদী আর সাগরের সঙ্গমে সমস্ত যাত্রী যায়। সেখানে গিয়ে সকলেই স্নান করে। শিববাবা হলেন জ্ঞান সাগর আর ব্রহ্মা হলো নদী। এখন তোমরা এসেছো ব্রহ্মা নদী আর সাগরের মেলায়। কিন্তু এ সবই হলো জ্ঞানের কথা। জ্ঞান সাগর থেকে তোমরা নির্গত হয়েছে। জ্ঞান স্নানেই সকলের কল্যাণ হয়। এখানে জলের কোনো ব্যাপার নেই। এই ব্রহ্মপুত্র নদী হলো ব্রহ্মা, শিববাবার সন্তান। তীর্থের রহস্যও তোমরা জানো। আমরা এখন বুদ্ধিযোগের যাত্রায় আছি। এই বুদ্ধিযোগ লাগাতে হয় পরমপিতা পরমাত্মার সঙ্গে। ভক্তিমার্গে তো মানুষ কতো মাথা ঠুকতে থাকে। বাবার সঙ্গে বুদ্ধির যোগ থাকেই না। বাবা বলেন -- আমি একবারই এসে মত দিই যে, আমার সাথে যোগ লাগাও। এমন আর কেউই বলে না। জ্ঞানের সাগর বাবাই সুখের সাগর এবং আনন্দের সাগর। প্রত্যেকের মহিমা আলাদা - আলাদা। উঁচুর থেকে উঁচু হলেন ভগবান, তিনি হলেন পতিত - পাবন। তিনি হলেন এক, তিনি এই পতিত দুনিয়াকে পবিত্র করার ভূমিকা পালন করছেন। তিনি নিজেই বলেন -- আমি কল্পে কল্পে এসে সবাইকে তীর্থে নিয়ে যাই। সব ভক্তরাই পুরুষার্থ করে মুক্তির জন্য। নিবৃত্তি মার্গের সন্ন্যাসীরা মুক্তি চায়, তারা মনে করে এই সুখ হলো কাক বিষ্ঠার সমান। এক পাইয়ের সুখ আর বাকি সব দুঃখ। স্বর্গে তো এমন হবে না। বাবা বুঝিয়েছেন, সেটা হলো নিবৃত্তি মার্গের রজোগুণী হৃদের সন্ন্যাস। আর এ হলো সতোগুণী বেহৃদের সন্ন্যাস। আমাদের তো এই সম্পূর্ণ ছিঃ - ছিঃ সৃষ্টিকে পরিবর্তন করে নতুন সৃষ্টিতে আসতে হবে। আমরা তো দেবতা হই, তাই না। মানুষ তো লক্ষ্মীর আহ্বান করে তখন কতো পরিষ্কার করে। এখন তো হলো বেহৃদের কথা। সম্পূর্ণ দুনিয়াকে পরিষ্কার হতে হবে, পাঁচ তত্ত্বও আবার তমোপ্রধান থেকে সতোপ্রধান হয়ে যায়। ওখানে তো এক নম্বর বৈভব থাকে। ফুল ইত্যাদি এমন হয় যে ঘরে বসেও সুগন্ধ আসতে থাকে। আতর ইত্যাদি লাগানোরও প্রয়োজন হয় না। ধূপেরও দরকার হয় না। প্রাকৃতিক সুগন্ধ ছড়িয়ে থাকে। স্বর্গের নামেই মুখ মিষ্টি হয়ে যায়।

পরম পিতা পরমাত্মা এসে সৃষ্টিকে এমন উঁচু বানান, তাই এমন বাবার সঙ্গে কতো প্রেম করা উচিত। প্রতিজ্ঞা করা উচিত যে, বাবা আমরা নষ্টমোহা হয়ে আপনার সঙ্গে যোগ লাগাবো। আপনাকেই উত্তরাধিকারী করবো। প্রত্যেকেই নিজের নিজের কামাই (ভাগ্য জমা) করতে হবে। তাই এই কামাইয়ের শখ থাকা উচিত। যা করবে তাই পাবে। এই দুনিয়ায় মানুষ যা করবে তাই পাপ করবে। এখন বাবার কাছে বলিহারি গেলেই তোমরা আমার শ্রীমতে চলবে। ধন সবসময় পাত্র বুঝেই দেওয়া হয়। যদি কোনো মদ্যপকে দেওয়া হয় তাহলে তার ফলে দোষ এসে যাবে। কুপুত্র বাচ্চাকে দিলে তার পাপ তোমাদের উপর এসে যাবে। তাই হিসেব - নিকেশ শোধ করো। সমর্পিত হলে এরপর কাউকে দেওয়ার জন্য অনুমতি দেওয়া হবে না, না হলে আবারও পাপ হয়ে যাবে। কন্যাদেরও দিতে হবে। যদি স্বর্গের মালিক না হতে চাও, স্বর্গে যেতে না চাও, নরকেই গোত্তা খেতে চাও তাহলে আর কি করা যাবে। তোমরা বাচ্চারা জানো যে ছোটো বা বড় সকলেরই মৃত্যু হবে। এই যাদব আর কৌরবরা নিজেদের প্ল্যান বানাচ্ছে। পাণ্ডবদের আবার তাদের নিজেদের প্ল্যান। জিত তো পাণ্ডবদেরই হবে, তাই না। শূল লড়াইয়ের তো কোনো কথাই নেই। এখানে তো জ্ঞান আর যোগের কথা। শাস্ত্র ইত্যাদি যা কিছুই পড়েছো সেই সবকিছু ভুলে যাও। নতুনভাবে এখানে বসে পড়াশোনা করো। জীবন্মুত হয়ে বাবার বাচ্চা হলে সবকিছুই ভুলে যাবে। তোমরা হলে ছোটো বাচ্চা। বাবা বলেন, এখন তোমরা আমার হয়ে আমার থেকে শেখো। নিজেকে কোলের ছোটো বাচ্চা মনে করো। বাবা বসে বাচ্চাদের পড়ান। এরমধ্যে যেমন ছোটোও আছে আবার বৃদ্ধও আছে। সবাইকেই বাচ্চা

বানিয়ে দেন । তিনি শ্রীমত দেন -- বাচ্চারা, এখন পর্যন্ত যা কিছুই শুনেছো সব ভুলে যাও । কোনো খারাপ কথা শুনো না, খারাপ জিনিস দেখো না --- কোনো মানুষের কথা শুনো না । মানুষ যা কিছুই করবে সব বেঠিক (আনরাইটিয়াস) এবং ভুল করবে । সবথেকে ভুল হলো ঈশ্বরকে সর্বব্যাপী বলা । আরে, বাবা সর্বব্যাপী হলে অবিনাশী আশীর্বাদী বর্ষা কার থেকে নেবে । তাহলে তো সবাই বাবা হয়ে গেলো । শিবোহম বা তত্বম বলে দিলে আশীর্বাদী বর্ষার কথা দাঁড়ায় না । সবাইকে ভুল পথ বলে ডুবিয়ে দেয় । তোমাদের পতিত কে বানায় ? রাবণের মতে চলে তাই বাবা বলেন, এই সবকিছু ভুলে যাও । আমাকে স্মরণ করো । তুমি মৃত মানেই দুনিয়া মৃত তোমার কাছে । প্র্যাকটিকালিও এই পুরানো দুনিয়া শেষ হতেই হবে । কবরস্থান হতে হবে, তারপর পরীস্থান হবে । বোম্বস পড়বে । সম্পূর্ণ দুনিয়া কবরস্থান হয়ে যাবে । তারপর আবারও নতুন হবে । হিরোসিমা এখন কতো নতুন হয়ে গেছে । এখন প্রধানত সম্পূর্ণ ভারত আর সাধারণ ভাবে সম্পূর্ণ দুনিয়া কবরস্থান হয়ে যাবে । মনে করো সবাই এখন মৃত এখানে । এখন পরীস্থান বৈকুণ্ঠের জন্য পুরুষার্থ করা উচিত ।

বাচ্চারা বুঝতে পারে যে এখন বাপদাদা এসেছেন । শিববাবা ব্রহ্মার রথে এসে রথী হন । এমন নয় যে কৃষ্ণ কোনো অর্জুনের রথী হয়েছিলো । তা নয় । পরম পিতা পরমাত্মা এই রথে বসে শোনান । বাবা তো খুবই ব্যস্ত থাকেন । তিনি বলেন, আমি আসি এই পতিত দুনিয়াকে পবিত্র বানাতে । তাহলে আমাকে কতো রূপ ধারণ করতে হয় । আমি অনেকের জ্যোতি জাগাই । আমার সাথে যোগ লাগাও, এই পেটল ঢালো তাহলেই ব্যটারী জাগ্রত হবে । প্রদীপ যদি নিভে যায় তাহলে বারে বারে তাতে ঘি ঢালা হয় । বাবা বলেন, এখন সম্পূর্ণ যোগ লাগাও । এ তো জানোই যে বাবা এই ব্রহ্মার শরীরে আমাদের পড়ানোর জন্য এসেছেন । ভগবান উবাচঃ, ভগবান কি বলেন ? বাচ্চারা আমাকে স্মরণ করো । মৃত্যু তোমাদের শিয়রে উপস্থিত । ছোটো - বড় সকলেরই মৃত্যু হবে । এ হলো মৃত্যুলোক । আমি অমরনাথ এসেছি অমর কথা শোনাতে । তোমরা হলে পার্বতী অথবা সীতা । তোমরা সকলেই এখন রাবণের জেলে । শোক বাটিকাতে পড়ে রয়েছো । বাবা এসে তোমাদের অশোক বাটিকাতে নিয়ে যান । সেখানে কোনো শোক থাকে না । এখন তোমরা বাচ্চারা সঠিক আর বেঠিক চিন্তা করার বুদ্ধি পেয়েছো । ঠিক কি, ভুল কি, পুণ্য কি, পাপ কি --- এ সবই তোমরা জানো । যোগ ভঙ্গ হলে মায়া পাপ করিয়ে দেবে, এইসময় মায়া হল তমোপ্রধান তাই প্রতি পদে সাবধানতা অবলম্বন করা উচিত । শ্রীমতে চললে কোনো ক্ষতি হবে না । মানুষ তো ভগবানকে চেনে না । বাবা বলেন আমি এসেছি তোমাদের শিক্ষা দিতে । তোমরা আমার বাচ্চারা হলে প্রাণের থেকেও প্রিয় । আমি জানি, তোমরা বাচ্চারা খুব দুঃখী হয়ে গেছো । এখন আমি তোমাদের সুখের দুনিয়ায় ফিরিয়ে নিয়ে যেতে এসেছি । আসল আর নামমাত্র বাচ্চার রহস্যও তোমাদের বুঝিয়ে বলেছি । আসল বাচ্চাদের প্রতি বাবার নজর থাকে । আসল বাচ্চারা রাজস্বের অবিনাশী আশীর্বাদী বর্ষা নেবে । আর নামমাত্র বাচ্চারা প্রজার বর্ষা নেবে । এইভাবে সমস্ত দৈব রাজধানী স্থাপন হচ্ছে । তোমরা সেই রাজস্ব পাওয়ার জন্য পুরুষার্থ করছো । প্রথম বিষয়ই হলো পবিত্রতার । বিকারের বিকল্প এলেও কর্মেন্দ্রিয় দিয়ে তা করা উচিত নয় । ক্রোধ এলেও তা প্রকাশ করা উচিত নয় । যদি তোমাদের মধ্যে এই বিকারের ভূত থাকে তাহলে লক্ষ্মীকে কিভাবে বরণ করে নেবে । যার মধ্যে পাঁচ বিকার থাকে তাকে বাঁদর বলা হয় । বাবা বাঁদরের পরিবর্তে তাঁর নলিনী বাচ্চির (নলিনী দিদি) ফটো দিয়েছেন । কোনো খারাপ কথা বলো না, কোনো খারাপ জিনিস দেখো না -- এই চিত্র আছে । ওই বস্টিকে তার লৌকিক পিতা সেন্টার খুলে দিয়েছিলেন । যা কিছু পুঁজি ছিলো তিনি সব বিক্রি করে নলিনীকে দিয়েছিলেন । বাবা যেমন সব

মাতাদের দিয়ে দিয়েছিলেন তেমনই ইনি (কাকু ভাই, নলিনী দিদির পিতা)) নিজের সন্তানকে দিয়েছিলেন। তিনি মনে করেছিলেন, এ তো কন্যাই, কেন না এর দ্বারা শুভ কার্য করাই। নলিনী বস্তু বলেছিলো - আমি বিয়ে করবো না। ওই অর্থ এই কাজে লাগিয়ে দাও। আমি পতিত দুনিয়াকে পবিত্র করার সেবা করবো। যদিও তার পুত্র থাকা সত্ত্বেও তিনি তাকেই উত্তরাধিকারী করেছিলেন। তার পদ কতো উঁচু হয়ে যাবে। অনেক উঁচু পদ পাবে। তিনি অনেকের আশীর্বাদ পাবেন কেননা তিনি গডলী হাসপিটাল বা গডলী কলেজ খুলেছিলেন। এই সময় মানুষের চলন এমনই যে সব পাপ কাজে লাগিয়ে দেয়। নিজে পাপ করতে আর করাতে থাকে। সবাই পাপাত্মা হয়ে গেছে। এখন বাবা বলছেন -- বাচ্চারা, তোমরা পরিশ্রম করো। তোমাদের উপর অনেক পাপের বোঝা আছে। নিরন্তর বাবাকে স্মরণ করার পুরুষার্থ করো। অন্তিমে যেন এই অবস্থা থাকে। সন্ন্যাসীরাও এমন বসে বসেই চলে যায়। তারা মনে করে আমরা গিয়ে ব্রহ্ম লীন হয়ে যাই। ব্যস এই কথা বলে তারা শরীর ছেড়ে দেয়। তখন চারিদিকে গভীর নিঃশব্দতা ছেয়ে যায়। এই বাবা তাঁর নিজের অনুভবের কথা শোনান। অনুভবও তো হয়।

বাবা বলেন, তোমরা বাচ্চারা হলে এই সৃষ্টির পাপাত্মাদের পূণ্যাত্মায় পরিবর্তন করার জন্য প্রকৃত জ্ঞান গঙ্গা। গঙ্গার ধারে দেবতার মন্দির দেখানো হয়েছে। নাম রেখে দিয়েছে গঙ্গা। এখন জলের নদী তো আর পতিত - পাবনী হতে পারে না। আর না দেবতারা পতিত পাবন। ব্রাহ্মণরাই তো পতিত পাবন। ওরা গঙ্গার ওপর দেবতার ছবি রেখে দিয়েছে। দেবতারা তো পতিতকে পবিত্র করেন না। মানুষের মধ্যে তো এই জ্ঞান নেই যাকে জিজ্ঞেস করা যায়। কোথায় ওই জলের নদী আর কোথায় এই দেবতারা। এই সময় তোমরা জ্ঞান গঙ্গায় জ্ঞান স্নান করো তাই তোমরা দেবতা হয়ে যাও। তোমাদের কাজই হল মানুষকে দেবতা বানানো। এখানে আত্মা পবিত্র হয়ে যায়। আত্মাদের ইঞ্জেকশনের প্রয়োজন।

বাবা এসে জ্ঞান আর যোগের ইঞ্জেকশন দেন। পাঁচ হাজার বছর পূর্বেও বাবা এই জ্ঞান আর যোগ শিখিয়েছিলেন, যাকে ভক্তিমার্গের মানুষ প্রাচীন গীতার জ্ঞান আর যোগ বলে থাকে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) মনে কোনো বিকার এলেও কর্মেন্দ্রিয় দ্বারা কোনো বিকর্ম করো না। রাজস্ব পাওয়ার জন্য অবশ্যই পবিত্রতার প্রতিজ্ঞা করতে হবে।

২) জীবন্মুত হয়ে নিজেকে ছোট বাচ্চা মনে করতে হবে। এক বাবার থেকেই শুনতে বা শিখতে হবে বাকি সবকিছুই ভুলে যেতে হবে।

বরদান :- অ-চিন্ত হয়ে বাবার শক্তিকে সাহায্যের রূপে অনুভব করী চিন্তামুক্ত ভব

কোনো কোনো বাস্তা চিন্তা করে -- কি করে সেবার বৃদ্ধি হবে, খুব ভালো ভালো জিজ্ঞাসু না জানি কবে আসবে, কতো পর্যন্ত সেবার জন্য ছুটোছুটি করতে হবে । শুধুমাত্র চিন্তা করলেই সেবার বৃদ্ধি হয় না । চিন্তামুক্ত হয়ে বুদ্ধিকে যদি ফ্রি রাখো তাহলে বাবার শক্তি সাহায্যের রূপে অনুভব করবে আর সেবার বৃদ্ধিও স্বতঃ হতে থাকবে । বাবা হলেন করাবনহার আর কার্যের নিমিত্ত আমি আস্লাম ----- একেই বলা হয় চিন্তা মুক্ত অর্থাৎ একের স্মরণ । তার কোনো চিন্তাই হয় না । যেখানে শুভ চিন্তন থাকে সেখানে কোনো চিন্তা থাকে না ।

স্লোগান :-- নিজের উপরাম এবং পৃথক স্থিতির দ্বারা সর্ব বিষয়ের কিনারা করে নিলে বাবার সাহায্যের অনুভব করবে ।